

01,02-50-3

26.03/09.



BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 27.03.2009			
Organizaciona jedinica	Klasifikaciona oznaka	Redni broj	Broj priloga
02-50-1-16-24/09			

**REPUBLIKA SRPSKA
MINISTARSTVO PRAVDE**

Trg Republike Srpske 1, Banja Luka, tel: 051/339-535, faks: 051/339-650, E-mail: mpr@mpr.vladars.net

Broj: 08.040/051-631/09
Banjaluka, 19.03.2009. godine

**PARLAMENTARNA SKUPŠTINA BOSNE I HERCEGOVINE
Trg BiH 1.
SARAJEVO**

PREDMET: Odgovor na izaslaničko pitanje.-

Na 24. sjednici Doma naroda Parlamentarne skupštine Bosne i Hercegovine, održanoj 29.01.2009.godine, izaslanik Hilmo Neimarlija postavio je izaslaničko pitanje.

Pitanje glasi:

«Nosioci najodgovornijih dužnosti u Republici Srpskoj godinama već u različitim prilikama ističu provedbu imovinskih zakona i ostvarenje povrata imovine kao jedan od uspjeha vlasti Republike Srpske. Nakon predbajramskog paljenja džamije u Kuli Fazlagića ti su se dužnosnici oglasili izjavama o ravnopravnosti pripadnika različitih vjerskih i etničkih zajednica u Republici Srpskoj i o čvrstoj opredijeljenosti vlasti Republike Srpske na očuvanju te ravnopravnosti. Međutim, ima li uopće smisla govoriti da smo ušli u četrnaestu godinu od potpisivanja Dejtonskog sporazuma i da Fati Orlović još nije vraćena imovina, da se ni nakon trinaest godina i dva mjeseca dejtonskog mira i zakona povratnici u Konjević Polje ne dopušta korištenje vlastite okućnice.

Fati Orlović se uskraćuje pravo na vlastitu imovinu, na vlastitu okućnicu. Staricu iz Konjević Polja se maltretira, muči i terorizira zato što traži svoje pravo koje joj pripada po Ustavu Republike Srpske, po Dejtonskom mirovnom sporazumu i njegovim aneksima 4, 6. i 7, po Evropskoj konvenciji za zaštitu ljudskih prava i osnovnih sloboda, po Univerzalnoj deklaraciji o ljudskim pravima. Sudski i drugi organi Republike Srpske izruguju se tim najvišim zakonskim aktima Bosne i Hercegovine i današnjeg svijeta i zloupotrebljavajući niže zakonske akte kažnjavaju Fatu Orlović. Kažnjavajući Fatu Orlović oni povratnicima u Republiku Srpsku upućuju poruku koja je neusporedivo konkretnija i bitno drukčija od poruka koje prigodno upućuju visoki dužnosnici Republike Srpske.

Prije nekoliko dana Okružni sud u Bijeljini osudio je na mjesec dana zatvora uslovno Fatu Orlović. Presuda je donesena a da osuđena nije nijednom ni pozvana od suda. Može li se taj akt primiti drukčije nego kao užasavajući slučaj izrugivanja sa pravdom, kao civilizacijska sramota!

Premijeru Republike Srpske, ministru pravde Republike Srpske, ministru za izbjeglice Republike Srpske, Visokom sudskom i tužilačkom vijeću Bosne i Hercegovine, Visokom predstavniku u BiH, OSCE-Misiji u BiH upućujem sljedeće pitanje:

Kada će se obustaviti bezobzirno dvostruko nasilje nad Fatom Orlović i kada će povratnica iz Konjević Polja konačno moći da uživa elementarno ljudsko pravo vlasništva i osnovnu ljudsku slobodu nesmetanog kretanja u svojoj kući i svojoj okućnici?“

Odgovor:

Ministarstvo pravde Republike Srpske je navedeno poslaničko pitanje dostavilo Okružnom sudu Bijeljina, a na koje nam je predsjednik Okružnog suda Bijeljina Radomir Aleksić, dana 16.03.2009.godine dostavio sljedeći odgovor.

„Obavještavamo vas da nismo u mogućnosti dati odgovor na postavljeno izaslaničko pitanje, iz razloga što se predmet trenutno nalazi na Vrhovnom sudu Republike Srpske, radi rješavanja po žalbi branioca Fate Orlović, koja je izjavljena upravo iz razloga što njen branilac smatra da Fata Orlović nije uredno obaviještena o sjednici Vijeća pred Okružnim sudom u Bijeljini. Dakle, ovo pitanje riješiće svojom odlukom Vrhovni sud Republike Srpske.

Dakle, davanje svakog odgovora o tome da li je Fata Orlović bila obaviještena o sjednici Vijeća, a prije odluke Vrhovnog suda Republike Srpske, bilo bi prejudiciranje odluke ovog suda.“

S poštovanjem,

MINISTAR

Džerard Selman



Dostaviti:

1. Naslovu
2. Kabinet Predsjednika Vlade Republike Srpske
3. Spis A/A



Visoko sudsko i tužilačko vijeće Bosne i Hercegovine
Visoko sudbeno i tužiteljsko vijeće Bosne i Hercegovine
Високи судски и тужилачки савјет Босне и Херцеговине
High Judicial and Prosecutorial Council of Bosnia and Herzegovina

Milorad Novković
predsjednik Visokog
sudskog i tužilačkog savjeta BiH

Parlamentarna skupština Bosne i Hercegovine
Dom naroda Parlamentarne skupštine BiH
n/r Ilija Filipović, prvi zamjenik predsjedatelja

VSTV-01-0280-10022009

10. februar 2009. godine
BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 10. 2. 2009.			
Organizaciona jedinica	Klasifikaciona oznaka	Redni broj	Broj priloga
02-	50-1-	16-24/09	

Poštovani gospodine Filipović,

U vezi sa Vašim dopisom od 5. februara 2009. godine, koji se odnosi na poslaničko pitanje delegata u Domu naroda Parlamentarne skupštine Bosne i Hercegovine, gospodina Hilme Neimarlije, želimo izraziti naše duboko žaljenje zbog problema sa kojima se gospođa Fata Orlović susreće u procesu povrata imovine.

Nažalost, Visoko sudsko i tužilačko vijeće (VSTV) BiH nema nadležnost da komentariše sudske presude ili utječe na sudske postupke.

Imajući u vidu poslaničko pitanje koje se odnosi na konkretan slučaj, a u kojem se ukazuje na kršenje osnovnih ljudskih prava, predlažemo da se stranka obrati Uredu ombudsmana za ljudska prava ili Ustavnom sudu BiH u kojem postoji praksa podnošenja apelacije ukoliko je stranka mišljenja da se radi o povredi ljudskih prava i temeljnih sloboda, zaštićenih Ustavom BiH i međunarodnim konvencijama ili ugovorima koji obavezuju BiH u ovoj oblasti.

Također, možemo Vas uputiti i na Ured disciplinskog tužioca (UDT) kojem se gospođa Orlović može obratiti ako vjeruje da nosioci pravosudnih funkcija nisu obavili svoje dužnosti na način propisan Zakonom o VSTVBiH.

Međutim, vrijedi i ovaj put napomenuti da VSTVBiH nema ovlaštenje da preinačava ili ispravlja pravne ili činjenične propuste u sudskoj odluci. Takvi eventualni propusti jedino mogu biti ispravljani u redovnoj sudskoj proceduri po pravnim lijekovima pred višim sudovima.

U slučaju da su Vam potrebne dodatne informacije u vezi konkretnog pitanja, a koje su u nadležnosti Visokog sudskog i tužilačkog vijeća BiH, molim Vas da nam se obratite.

S poštovanjem,

Milorad Novković
predsjednik Visokog sudskog i tužilačkog vijeća BiH